

Calidum.

Qui non intelligit aut taceat aut discat

Humidum

ΠΡΟΓΑΙΔΕΥΜΑΤΑ ΑΦΟΡΙΣΤΙΚΑ  
IOANNIS DEE LONDINENSIS,

de Præstantioribus quibusdam  
NATURÆ virtutibus, ad

GERARDVM MERCA-  
TOREM RVPLMVN-

harum, Mathematicū  
& Philosophum  
insignem.

Est in hac

num Planetarum.

quicquid hinc  
Morale

instar one  
in prædictis, est

erunt Sup  
ientia

STIABON, acuis  
in prædictis, est

Erant signa in Sole & Luna & Stellis Luna 21

Terra.

Aqua.







CLARISSIMO VIRO D. GERAR-  
DO MERCATORI, RYPELMVN-  
DANO, PHILOSOPHO ET MATHEMA-  
tico illustri: ac amico suo longè charissimo  
IOANNES DEE LONDINENSIS.  
S. D. P.



N D E C I M V S iam  
agitur annus (humanissime, do-  
ctissimeq; mi GERARDE ab  
illo, quo nostris ego relictis Aca-  
demijs, omnibusq; nostrarū scho-  
larum, in artium septem (liberaliū  
dictarū professione, percurfis or-  
dinibus: sine subere (vt in prouer-  
bio est, nare: & in Regiones trans-  
marinas cœperam peregrinari: ad

iptos inuestigandos fontes, à quibus hac nostra ætate, plurimi  
ad nos optimarum quarumq; Artium deducebātur canaliculi:  
& cum illis vitam ducere familiarem, quorum vel leuissimus  
quisq; vnus diei in scribendo, labor, nobis antea domi desiden-  
tibus, per anni ferè vnus spatium, satis (ad intelligendum) face-  
ret negotii. Atq; in isto primæ meæ peregrinationis inchoato  
cursu, quoniam in te, primum omnium, Louanii tum agentem,  
incidere, maximo mihi summi Numinis obtigit fauore: & ex  
tuis mecū disceptationibus, tum primas tū altissimas vt radices  
ageret tota mea peregrina philosophandi ratio: Nūc proinde Ego  
esse æquū censeo, rationiq; maximè consentaneū, vt iam primò  
peregrinantes, laborū etiam tu meorum primitias, iure tibi ven-  
dices meritissimo. Et maximè, cum mutux nostræ amicitix,  
familiaritatisq; cōsuetudo ea erat, toto vt triennio, vix totos tres  
simul dies, alter alterius lubens careret aspectu: & ea vtriusque  
nostriūm discendi, philosophandiq; auditas, vt postquā conue-  
niremus, tribus vix horæ minutis, ab arduarum & utilissimarum  
rerum indagatione abstineremus, An non huius nostræ tam sin-  
ceræ amicitix, & tam suauiter continuate philosophandi ratio-  
nis, gratia, aliquod saltem *συνέχμα*, vel monumentum, sem-  
piternæ hominum memoriæ commendare debuimus: vt inde



## EPISTOLA

suauissimum illud amicitiae vinculum, quo nostri in perpetuum copulantur animi, suis quoque neſtere diſputationibus, poſtera ſtudioſorum excitetur etas? Et non alter alterius vel cōtemnere ſtudia, vel eruditioni inuidere: capita ſed ſimul conferre, ad veri inquisitionem, & vtiliſſimas amplificandū diſciplinas. Atq; vt hanc potiſſimum materiam, hoc tempore mihi tractandam, eligere: penultimæ tuę ad me literæ, in quibus, de nobili illa, inter nos olim agitata, controuerſia, memoriam mihi velle refrigerare, videbaris, occaſionem dedere. Nec in iſtius enodatione, ſeu potius demonſtratione, longiorem me nunc eſſe, vel valetudo, quæ iam per integrum annum periculoſiſſimè labefactata fuit (etiãſi voluiſſem maximè) tolerauit: vel ipſa, de Cœleſtium corporum virtute, Diſciplina, deſiderare videtur. Ex his enim quæ in medium attulimus, tum ad infinitos particulares, in Arte caſus, Apodicticè procedēdi haberi facultas poteſt: tum ipſa præterea diſciplinæ præcipua, in his ſunt iacta, confirmataq; fundamenta: vnde de aliis eius Artis quid ſit ſtatuedum præceptis, induſtrio facile conſtabit artifice. Non tamen infinitas multorum & ἀνξιτιολογητᾶς probo nugæ, vel futilia decreta: quæ, nec ipſi talium ſcriptores, rationum ſtabilire momenti poſſint, nec vllus vnquam alius, à Naturæ viribus talia proficiſci, obſeruando intelligere. Tu ergo qui NATVRAE obſeruantiffimus eſſe Cultor ſoles: NATVRAE, in iſtis Aphoriſmis, ſcrutare virtutes veras, virtutes magnas, virtutes paucis vix credibiles Sapientibus, at pauciſſimis notas. Et ne τῶν ἀμυντῶν τις, ſuo ſibi malo, ea hinc expiſcari, elicereue contendat, quæ illi non ſint ſcripta, tu cum RECEPERIS, edicas publicè. Atq; hæc hæcenus. Cū autem in literis tuis ad me, ferè omnibus, quid ipſe præ manibus habeam, à me ſcire, ſoles contendere: & in illis certè, quas ante nominaui, penultimis mecum egisti maximè, ut magnum illud opus meum Apodicticum, de Arte noua (vt tu vocas) quàm primum vel in lucem darem, vel eius te vt participem facerem: me Scias, præter periculoſiſſimum, quo toto iam proximè elapſo anno laboraui, morbum, alia etiã multa (ab illis, qui. &c.) eſſe perpeſſum incommoda, quæ mea ſtudia pluſimum retardauere: Viresque etiã meas, nondum poſſe tantū ſuſtinere ſtudii laboriſq; onus, quantum illud, Herculeum penè (vt perficiatur) requireret opus. Vnde  
ſi mea



# NUNCUPATORIA.

si mea haud queat opera, vel absolui, vel emitti, dum ipse sim superstes: Viro illud Legavi eruditissimo, grauiissimoq; qui Artium Mathematicarum vnicum nobis est relictum & decus & Columna: nimirum D. D. Petro Nonio Salaciensi: Illumq; obnixè nuper oravi, vt, si quando posthumum, ad illum deferretur hoc meum opus, benignè humanitèrque sibi adoptet, modisque omnibus, tanquam suo, vtatur: absoluerè denique, limare, ac ad publicam Philosophantium vtilitatem perpolire, ita dignetur, ac si suum esset maximè. Et non dubito, quin ipse (si per vitam valetudinèmq; illi erit integrum) voti me faciet competentem: cum & me tam amet fideliter: & in artes, Christianæ Reip. summè necessarias, gnauiter incumbere, sit illi à natura insitum: voluntate, industria, vsuq; confirmatum. Tuis igitur votis, de laborum meorum euulgandis monumentis, nondum me posse satisfacere, licet iam clarè satis docui, Si tuæ tamen petitioni de scriptorum meorum habenda Catalogo, non responderem, meritò me maximè damnares ingratitude: En tibi ergo eorum Titulos, quæ per medias meas, maximasq; difficultates, ita à me mihi cõposita, scriptaq; extant, vt eadem (cum viribus valeam corporis, dulcèq; fruor ocio) in publicum producere (non mihi tantum esse cognita,) exoptem maximè.

- 1 Περὶ Ἀκρίβους γίγνωστος Μαθηματικῆς.  
opus mathematicè demonstratum. lib. 16.
- 2 De Planetarum, Inerrantium stellarum, Nubiumq; à centro terræ distantis: & stellarum omnium veris inueniendis magnitudinibus. lib. 2. demōst.
- 3 De Speculis comburentibus. lib. 5. demōst.
- 4 De Perspectiua illa quæ a peritissimi illustrissimiq; vtuntur pictores. lib. 2. demōst.
- 5 De tertia & præcipua Perspectiuę parte, quæ de radiorum fractione tractat. lib. 3. demōst.
- 6 De Cœlestis Globi amplissimis cõmoditatibus. lib. 2.
- 7 Speculum vnitatis: siue Apologia pro Fratre Rogerio Bachone Anglo: in qua docetur, nihil illum per Dæmoniorum auxilia fecisse, sed Philosophum fuisse maximum: na-



## EPISTOLA NVNCV.

turalitéq;, & modis homini Christiano licitis, maximas fecisse res: quas, indoctum solet vulgus in Dæmoniorum referre facinora.

- |    |   |                 |
|----|---|-----------------|
| 8  | De noua Nauigationum ratione.                     | lib. 1.         |
| 9  | De Anuli Astronomici multiplici vsu, capitaculum. | lib. 2.         |
| 10 | De Religione Christiana.                          | lib. 1.         |
| 11 | περὶ Ἀνακρίσεων ἐπολογικῶν.                       | lib. 6. demōst. |
|    |   | lib. 1.         |

Aliorum adhuc tacebo nomina: qui tamen ante istorū quosdam (annuente Deo) publica frui luce possint. Hoc autem opusculum, (numero duodecimum) leui munitum armatura, tanquā Exploratore, in varias emitto regiones: vt vera mihi doctorum proborumq; hominum referat iudicia, votaq;, hæc à me tanta tractari, luciq; promitti argumenta. Vt ex istius Exploratoris relatione, mecum & doctis cum amicis, rationem in eam, nū istas meas (qualescūque) copias, in peregrinos actutū producere cāpos, vel domi, adhuc diligētius, in militari educare disciplina, debeam. Iam restat vt te maximè orem, egregia tua Inuenta, tam in excellentissima illa Philosophiæ parte, quæ physicavocatur, quàm in geometricis, & geographicis rebus, publicis (quam primum queas) vt committas hominum studiis: sic enim Rempub. literariā (de qua annos ante multos, multis magnisq; tuis laboribus, es optimè meritus) istis vtilissimis tuis, nouisq; Inuentis, eximie profectio amplificabis. Valeas: Caputisq; tuis pulcherrimis, Deus Opt. Max. exitus largiatur foelicissimos. Iterum VALE..

Londini: à nostro nato Redemptore  
1558 Iulii.. 20.



IOANNIS DEE LONDINENSIS

De præstantioribus quibusdam NATVRÆ virtuti-

bus Προπαιδευμχτα & φοριστικα.

Aphorismus I.



**V**T DEVS, ex Nihilo, contra rationis & Naturę leges, cuncta creauit: ita in nihilum abire, rerum creaturarum aliqua nunquam potest, nisi contra rationis naturæq; leges, per Supranaturalem Dei potentiam fiat.

II.

**M**irabiles ergo rerum naturalium Metamorphoses fieri à nobis, in rei veritate possent, si artificiosè naturam vrgeremus.

III.

**N**on solum ea Esse asserendum est, quę actu in rerum natura sunt conspicua, notaq;: Sed & illa quoq; quę quasi seminaliter, in naturæ latebris, extare Sapientes docere possunt.

IIII.

**Q**uicquid actu existit, radios orbiculariter eiacularatur in singulas mundi partes, qui vniuersum mundũ suo modo replent. Vnde omnis locus mundi, radios continet omnium rerũ in eo actu existentium.

V.

**T**am substantia quam Accidēs, suam à se speciem exerunt: Sed Substantia omnis, excel-

a.i.

lentius



lentius multò quàm accidens. Et Substantiarū quidem, illa quæ incorporea & spiritalis est, in hoc munere longè superat illam quæ est corporea, ac ex fluxis coägmentata elementis. Licet quantò res sunt nobiliores, tanto incompletio-rem suam Speciem faciant: Species enim com-pleta, idē obtinebit nomē cū principali agente.

VI.

**S**icut vna res differt ab alia, ita et earundem ra-  
dij differunt in efficiendi virtute, & effectus cō-  
ditione, dū circa eandem omnino rē operantur

VII.

**R**Adiorū quorūcūq; ab vna re in diuer-  
sas emanantium, diuersi sunt effectus.

VIII.

**Q**uicquid in aliud agit, simile quodā modo  
est, at alio quidem modo dissimile prorsus  
illi est in quod agit, aut nulla est actio.

IX.

**Q**uicquid in mundo est, ad aliud quid or-  
dinem habet & conuenientiam.

X.

Quęcūq; res sunt sibi mutuo coördinate,  
vel conuenientes, vna aliam tum sponte imi-  
tatur sua, tum etiam aliquando vna ad aliam lo-  
caliter accurrit: vnaq; aliam (quantum potest)  
tuetur & munit, etiamsi interea vis sibi inferri  
videretur. Per harum ergo rerum naturalium (mo-  
dis



dis varijs) in mundo separatim existentium, vni-  
onem: & aliarum feminaliter tantū prius in na-  
tura positarum, actuationem, miranda magis,  
verè, naturaliter, nec violata in Deū fide, neq;  
christiana lēsa religione, prestari possunt, quam  
quis mortalis, credere queat.

XI.

Mūdus iste est quasi lyra, ab excellētissimo quo-  
dā artifice cōcinnata: cuius chordæ, sūt hui' vni-  
uersitatis res singulæ, quas qui dextrè tãgere pul-  
sareq; nouerit, mirabiles ille eliciet harmonias.

XII.

Sicut lyra constitutio quædam est tonorū cō-  
sonantium atq; dissonantium, aptissima tamen  
ad suauissimam & infinita varietate mirabilem  
exprimēdam harmoniam: Sic Mundus iste par-  
tes intra se complectitur, inter quas arctissima  
conspiciatur Sympathia: alias autem inter quas  
disidium acre, atq; antipathia notabilis: ita ta-  
mē, vt tum illarum conspiratio mutua tum ista-  
rum lis atq; dissentio, ad Totius consensionem  
atq; vniōnem admirandam egregiè faciat.

XIII.

Sensus nostri, non sunt sensibilibus radiorū  
à rebus effluentium causæ, sed testes.

XIII.

Species non solum spirituales, sed etiam aliæ  
naturales à rebus effluunt, tum per lumen tum si-



ne lumine: non ad visum solum, sed ad alios interdum sensus, & præcipuè in Spiritu nostro imaginali, tanquam Speculo quodam coalescunt, se seq; nobis ostendunt, & in nos mirabilia agunt.

XV.

**N**Vllus motus perfectior orbiculari, Nec vlla qualitas humanis exposita sensibus, L V C E est vel prior vel præstantior. Corporum igitur præstantissimorum & perfectissimorum, hæc duo maximè propria erunt.

XVI.

Quicquid in mundo est, continuè mouetur aliqua motus Specie.

XVII.

**P**Ro ratione motuū primorum, qui sunt cœlestiū corporū maximè proprii, ceteri inferiorum motus omnes naturales & excitantur et ordinantur. Mouëtur autem ipsa Cœlestia aliquādo sursum, aliquando deorsum: in anteriorem aliquando partem, aliquando in posteriorem, aliquando versus vnum mundi, vel Eclipticę polū, aliquando versus alterum.

XVIII.

**I**N quatuor huius inferioris mundi Elementis, sunt quatuor distinctę qualitates, quæ ab omnibus philosophis, primę vocantur. Quarū effectus naturales, tum principales tum secundarios  
tum



tū etiā tertios, quā potes exactissimē discas: Modūq; reducendi tertios ad secundos & secundos ad primos: Itidem tibi est summopere examinandum, quibus casibus, eadem qualitas, diuersorum, imō contrariorum nonnunquam effectuum esse causa possit.

XIX.

Si quācūq; qualitatū res, & in quacūq; quantitate commisceantur, vt de compositi illius vera natura fias certior, per artem quandam, Graduationum dictam, tibi est elaborandum.

XX.

**E**X qua elemētorum, & primarum qualitatū pportione singulę humani Corporis partes humores, & spiritus constent (quā propē fieri potest) Astrologo est peruidendum. In alijs etiam rebus naturalibus idem experiri, atq; intelligere est summē necessarium, & valde iucundum.

XXI.

**S**emen in se potentia habet generationis cuiusq; integrū & constantem ordinem: eo quidē modo explicandum, quo & concipientis loci, natura, et Circumfusi nobis cœli superuenientes vires, cooperando conspirant.

XXII.

Sicut primi motus priuilegium est, vt sine eo torpeant omnes reliqui, sic primæ et præcipuæ qualitatis sensibilis, (nimirum LVCLIS) ea est fa-

a.3.

cultas,



cultas, vt sine ea, ceteræ qualitates agere nihil possint.

XXIII.

**Ο**ΤΙ ΑΙ ΔΙΑΝΟΙΑΙ ΕΠΩΝΤΑΙ ΤΟΙΣ ΣΩΜΑΤΙ ΚΑΙ ΟΥΚ ΕΣΤΙΝ ΑΥΤΑΙ ΜΕΘ' ΕΑΥΤΑΣ ΑΠΑΘΕΙΝ ΟΥΤΑΙ ΤΩΝ ΤΕ ΣΩΜΑΤΟΣ ΚΙΝΗΣΕΩΝ, quis philosophorū nō decētat? quis mortaliū nō in seipso id ferē quotidie experitur? Vt etiā & τοῖς τῆς ψυχῆς παθήματι τὸ σῶμα σύμπαχον γίνεσθαι. Vnde Medicus per corp<sup>9</sup> sanat animā atq; tēperat. Music<sup>9</sup> autē p animā corpori medetur & imperat. Qui ergo quā plurimis modis tum medici tum musici poterit supplere munus, is hominum & corpora & animos pro sua ferē gubernaret voluntate. Verū hoc est à modestius philosophantibus, mysteriū cuiusdā instar tractandum.

XXIII.

Illā Deus in Magnete proposuit oculis mortaliū spectāla, qualia aliis in rebus subtiliori mētis indagini, & sedulitati experiendi maiori, inuenienda reliquit. Ego tibi vim eius attractiuā primò, deinde repulsiuā siue abactiuā, tertio certi cuiusdā situs appetitionē, Et quartò per solidā corpora radios suos traiciendi potentiam, nūc solum in mentem redigo: alias alia eiusdem lapidis, quasi miracula (diuino fauēte Numine) explicaturus.

XXV.

**D**Vplices sunt stellarū omnium radii: alii sensibiles siue luminosi, alii secretioris influentię.



tiæ. Hi omnia quę in hoc mundo continentur, penetrant: illi ne adeò penetrent, quodam modo impediri possunt.

XXVI.

**S**Tellę & vires cœlestes, sunt instar sigillorum, quorũ characteres pro varietate materię elementaris variè imprimuntur. Quemadmodum & nostrorum sigillorũ insculptę formę, facilius in vnā materiam quā in aliam imprimũtur: elegantius in vna, quā in alia: & tenacius in vna quā in alia herent: & in quibusdam ad quandam quasi perpetuitatem.

XXVII.

**T**Am solida quam diaphana cuncta, quę intra mundi ambitum existunt, penetrandi vis, cœlestium radiorum maximè propria, magnam illis influendi, siue suas imprimendi vires facilitatem inesse demonstrat. Vt autem cum elegantia quadam, deinde cum tenacitate, vel ad infinitũ tempus retineatur immissa virtus, id ex materię in quam influitur dispositione vel præparatione artificiosa, tam in visibili forma quam in elementaribus qualitatibus & aliis prouenire debet.

XXVIII.

**P**Rimũ mobile est instar speculi spherici cõcaui, cuius qualẽcũq; soliditatẽ nullus stellarũ radius penetrare potest, cum nullus esset talis penetrationis vsus apud superos: sunt & alię per  
plures



plures demonstrationes.

XXIX.

Quascunq; vires per sensibiles radios, stellę efficiendo exercent, non solum directis, sed etiam fractis & reflexis illis radiis, tales suas vires ad effectus oportunos promouere possunt.

XXX.

**M**agnitudines verę non solum terrestris globi, sed & planetarum fixarumq; omnium stellarum, astrologo debent esse notę.

XXXI.

**D**istantię verę tam fixarum, quam singulorū planetarum à centro terre, quocunq; proposito tempore, astrologo constare debent: sicut & nubium, siue crassioris aëris varię à terra altitudines.

XXXII.

Quibus terre locis, quęcunq; stella siue fixa siue erratica quocunq; dato tēpore perpēdiculariter immineat: & quantum incidentię directę angulum cum omnibus aliis locis, supra quorū horizontes eadem stella, eodem temporis momento eleuatur, efficiat, cum primis est cognitu necessarium.

XXXIII.

**S**ensibilem omnem radium, à stellę alicuius corpore ad punctū aliud quodcunq; externū emanantem, ac cum eiusdem stellę conuexa superficie equales vndiq; efficientem angulos, circumstat



cumstat conus rectus, radiōsus, sensibilisq; cuius axis, ipse dictus radius erit. Vertex vero punctum illud externum. Basis denique, conuexę superficiei ipsius stellę ea portio luminosa quę dicto vertici est proxima, terminaturq; per circuli circumferentiam, ab illo termino lineę rectę (à dicto vertice ad stellam ductę) qui ipsam stellam contingit tantum, descripram.

XXXIII.

**R** Adiorum à basi luminosa alicuius stellę ad aliquod externum punctum effluentium, axis est fortissimus, & reliquorum, quò ipsi axi fuerint propinquiore, eò erunt remotioribus, fortiores, respectu dicti puncti. de radiis ex profunditate stellicorum corporum egredientibus, alius nobis erit dicendi locus.

XXXV.

**A** Stellis terra minoribus, sensibiles cūcti qui exeunt radii directi ad terrenę conuexitatis, quantam maximam possunt portionem, ab ipsarum cōuexarum superficierū (quę tales stellas ambiunt,) portionibus veniunt, quę sunt dimidiis maiores. Et quo terrę propiores fuerint eò à maioribus illis portionibus radios suos directos terrę cōmunicant: Nunquam tamen terrenę conuexitatis dimidiū suis illis sensibilibus radiis attingere queunt, sed portionem eiusdem dimidio minorem.



**O**Mnes stellę terra maiores, plus quā dimidium terrene conuexitatis, omni tempore suis sensibilibus & directis radiis illustant: Semper etiam à suę conuexę superficiei portione dimidio minore, illos terre impertiunt radios. Et quò terrę propinquiores fuerint, eò à minore tali portione radios illos directos ad terram demittunt.

**O**Mnes stellę terra minores, quanto terre propinquiores fuerint, tanto fortiores, eisdem suos vtriusque generis radios infundunt: licet minorem eiusdem portionem sensibilibus suis directisque radiis afficiant, quā quando sunt remotę magis.

**O**Mnes stellę terra maiores, quanto terre viciniore fuerint, tanto fortiores illi suos quoscunque imprimunt radios: & terre etiam maiorem portionem sensibilibus suis, directisque radiis illuminant, quā quando longiori sunt semotę interuallo.

**P**erpendendę tibi sunt cum summa diligentia, Terrę & stellarum quarumcunque tum terra maiorum, tum terra minorum, portiones illę Superficiales, Sphęricę conuexitatis, in stellis



lis quidē luminosę, at in terra ab ipsis luminosis  
illuminatę, quę p̄ variis stellarū à terra interual-  
lis, diuersarum fiunt quantitatū. Et tam in terra  
quam in stellis terminantur per terminos super-  
ficie conicę curtę, à linea recta, tum ipsam ter-  
ram, tum ipsarum stellarum corpora contingen-  
te, descriptę. Atq; de his portionib⁹ egimus pro-  
positionibus. 35. 36. 37. & 38.

XL.

Ad quodcunq; punctum totius mundi venit  
alicuius stellę conus rectus, radiosus, sensibilisq;,  
eiusdem coni basis, minor quidem semper erit,  
quam dimidium conuexę superficie ipsius stel-  
lę, cuius ille fuerit conus. Videant ergo astrono-  
mi qua ratione, stellarum metiantur diametros.

XLI.

Quanto eadem stella ab aliquo puncto totius  
mundi remotior fuerit, tanto sui radiosi coni re-  
cti sensibilisq; basis, maior euadit, & quāto pro-  
pinquior, tanto minor.

XLII.

**E**Xaminanda tibi erit quantitas huius basis  
conicę, in omni positu cuiusque stellę, respe-  
ctu vnius alicuius puncti, vbicunque illud pun-  
ctum statuatur.

XLIII.

**E**iusdem stellę Coni recti luminosi longiores,  
sunt ipsis breuioribus, quibusdam de causis  
fortiores



fortiores: at alias ob causas, longè debiliores: fortiores quidem eo videri possunt, tum quod eorum bases luminosæ, maiores sunt, tum quia anguli ad verticem, minores fiant. Ex his duabus causis simul iunctis, hæc nascitur ratio: Quod in longioribus conis, copiosiores radii, non incidētes solū sed etiam reflexi, magis vniuntur: unde maior vis circa talem verticem exercetur. Sed naturaliter & simpliciter propinquitās agētis ad id in quod agit, breuiiores conos, fortiores efficit.

XLIIII.

**Q**uantitatem illius conuexæ superficiei lunaris, quæ quocunq; dato tempore, nobis illuminata conuertitur, accuratè elicias.

XLV.

**H**orizontem nostrum verum, illum appellamus circulum, qui circumductu eius lineæ describitur, cuius quiescens terminus in terræ centro fuerit, alter vero in summo statuatur cœlo: ita ut à nostro vertice in huius circuli centrū demissa recta linea, eidem circulo perpendicularis existat. At sensibilem nostrum horizontem, alibi demonstrauius esse illam terrestris spheræ conuexam portionem, quæ (omnibus super terrę vniformem conuexitatem, remotis impedimētis) nobis est cōspicua tota, terminaturq; per  
circuli



circuli circumferentiam, ab illo termino lineæ rectæ (ab oculo nostro ad terræ contactum ductæ) qui ipsam terram contingit, descriptam. Hancq; portionem aliquando maiorem, aliquando minorem à nobis posse conspici, pro varia nostræ altitudinis ratione supra vniformem terreni globi conuexitatem, ibidem docuimus. Ex hac quidē consideratione plurima pendent, quæ tum in optica, tum in astrologia magni esse momenti, experientes percipient.

XLVI.

Omnes stellæ maiores terra, ab aliqua sui portione radios sensibiles directos, ad nos mittere possunt; antequam earundem centra ad nostrum verum horizontem oriendo peruenerint: Atque ratione eadem, in occasu sub ipso vero horizonte depressis earundem centris, nos tamen illuminare suis directis radiis possunt.

XLVII.

Omnes stellæ cum in horizonte vero alicuius loci terrestris fuerint, plus in recta linea, ab illo loco distant, quam cum supra illius loci horizontem sunt eleuatæ: siue vno eodemque die, siue quibuscunque diuersis: modo eiusdem stellæ, in illis variis temporibus, equalis fuerit distantia à centro terræ. Aliôqui enim sol in  $\alpha$  principio oriens, longè nobis propinquior est quam quorum



rum imminet capitibus, in Cancro versas: & hoc propter suę eccentricitatis magnitudinem: quę etiam mutabilis est.

XLVIII.

**S**Olem infra nostrum verum horizontem existentem, accidentarij sui luminis radios ad nos ab aëre procurare, Crepusculinę eius Luces demonstrant: Tres igitur Superiores & fixarū plurimę, cum magis sub horizonte latent quam ipse Sol in Crepusculi matutini principio vel vespertini fine, nobis, sui accidentarii Luminis virtutem, (licet per se non tam sensibilem quam Solis) communicabunt, instar quorundā suorū crepusculorum. Planetas etiam Sole inferiores hoc modo considerandos moneo. Fitq; hoc (vt dixi) non per principalem aliquem radium, (scilicet vel directum fractum vel reflexū) sed per Speciei Speciem, vt ὀπτικὸς & κατωπτικὸς periti, vulgariter loquūtur philosophi. Qua ratione Solaria Crepuscula inæqualia fiant, vide: & de aliorum planetarum Crepusculis (vti nos nunc illa appellamus) simili perquiras methodo.

XLIX.

Qua ratione stellę fixę & singuli planetę tam infra horizontem, quam alibi constituti, ad nos vel alia terrę loca, radios tum luminis, tum Secreti-



cretioris virtutis ab ipso cœlo, Luminis autem, nō ab ipso cœlo solum, sed aëre, nubibus, aqua, mōtibus, & similibus corporibus reflectant, perscrutare: radiorumq; cœlestium fractiones multiples attēde in aëre & nubib<sup>9</sup>: & infinitā Dei bonitatem Sapientiamq; admirari et laudare cogēris.

L.

Vt stella quęlibet proprium habet nomen ex ipsius Dei impositione, Sic & naturam in se habet propriam, qualis in nulla alia, eadem omnino inueniri potest.

LI.

**A**D quodlibet totius mundi punctū, & quolibet temporis momento, ab omnibus stellis fixis & planetis fit talis radiorum cōcursus, qualis ex omni parte similis ad nullum aliud punctum, nec vllō alio tempore, naturaliter constitui potest.

LII.

**K**ΑΤΟΠΛΕΙΝΩ si fueris peritus, cuiuscunq; stellæ radios in quamcunq; propositam materiam fortius tu multo per artem imprimere potes, quā ipsa per se Natura facit. Hęc quidem Antiquorū Sapientum multo maxima naturalis Magię pars erat: Et est Arcanū hoc, non minoris multo dignita-



dignitatis, quam ipsa augustissima philosopho-  
rum ASTRONOMIA, INFERIOR nuncupata:  
cuius insignia, in quadam inclusa monade, ac  
ex nostris Theoriis desumpta, tibi vnà cum isto  
libello mittimus.

LIII.

**S**I quid vel solis lumen per lunam efficiat, vel  
quid ipsa ex se sola, nullis imbuta SOLIS ra-  
diis, prestare possit, cognoscere quis cupiat: ex  
plenilunio, & Lunæ eclipsi totali cum mora, ar-  
tificio catoptrico, elicere potest. Vt ad alia au-  
tem, eundem traducat experiendi modum, non  
opus est vt moneam.

LIII.

Quo magis ad perpendicularitatem super aliquā  
elementarem superficiem accedit axis radio-  
sus alicuius stellę, eò fortius circa talem suę in-  
cidentiæ locum, suas quascunque vires illa stella  
influet: directo quidem modo propter maiorem  
agentis vicinitatem: reflexo autem, per radios lu-  
minis fortius tunc operabitur, quia reflexi ta-  
les radii ad incidentes vicinius conduplicantur.  
Eccētricitatis ratio, in diuersis zodiaci locis, pla-  
netas propiores nobis exhibere potest, cū acutis-  
simus prorsus erit incidētię angulus cum nostro  
vero horizōte, vel alia superficie. At nos, & supra  
de hac re diximus: & nunc significam⁹ in æqua-  
libus



libus a centro terre distantis generalē hunc nos enuntiare aphorismum: esse tamen tum vtilissimum tum iucundissimum cōsiderare exceptionis huius rationē, in variis eccentricorum circum-  
lorum locis.

LV.

Quò stellæ eiusdem Moræ, supra horizontem maior fuerit, eò ad suæ cuiuscunq; virtutis fortiorem faciendam impressionem per directos suos radios, est accomodator.

LVI.

**E**X horum tantum trium diuersa contempera-  
tione, scilicet vicinitatis, anguli incidentiæ, & Moræ, ò quam multiplex consurgit ratio pro viribus eiusdem stellæ exercendis, supra alicuius loci horizontem.

LVII.

**M**Omentaneus quilibet cœli status, tum effectus suos mætit infinitos, tum in aliorum euentuum semina, (congruis maturanda constellationibus) vires intēdit ac imprimit efficaces.

LVIII.

Omniū cœlestium motuum, ille velocissimus est quem versus occasum, viginti quatuor æqualium horarum spatio, equatoris conficit peripheria: atque hunc, Diurnum Totius motum, vulgariter vocant.

C.i.



## LIX.

Quò equatori sunt propiores paralleli circuli, cò citatiore motu versus occasum, illorum circūferentię, æquatoris sequuntur motum.

## LX.

Quam inter se rationem habuerint, circulorum duorum quorumcunq; equatori parallelorum, circumferentię, eandem rationem habebunt, & earundem velocitates in diurno totius motu: Hoc tu ad planetas & stellas fixas transfer, diurnorum arcuum respectu. &c.

## LXI.

**P**eriodos quascunq; videmus NATVRÆ præpotentis inuiolabili lege, à cœlestibus ipsis absolui corporibus, maxima cum diligentia, à nobis animaduertendas asserimus: PERIODVM hoc loco vocamus, planetę, stellę fixę, vel alicuius cœlestis puncti, ad priorem locum vel priori valde similem, per circularem motum, completam restitutionem.

## LXII.

**A**NATVRA omnes hos recipimus circulos: horizontem Meridianũ, æquatorem, & illi parallelos omnes: eclipticam: eccētricos planetarũ: epicyclos, & alios, quos ex Theoricis planetarum, accuratè discendos, monemus.



**C**irculi omnes, positionum vulgariter dicti, sunt circuli naturaliter definiti: Cum omnes illi quorūdam aliorum locorum sint horizontes veri, etiamsi infiniti tales, inter horizontem tuū & meridianū statuerentur. At quò propius versus mundi polos accedis, Naturam vides quasi pedientim istos recusare: duasq; tantū ex tribus illis generalissimis, Cœlestia Themata describēdi vis, sibi sub polis assumere: vt et sub equatore duas præcipue admittit: in locis autem intermediis tres: per meridianos scilicet: circulos, eclipticę longitudinem ad rectos secantes angulos: & per istos horizontales: licet infinitis aliis modis Natura suarum distinguat virium proprietates.

Periodus æquatoris est alicuius in equatore, vel alterius puncti cœlestis, ad eundem meridianū, restitutio, vigintiquatuor æqualium horarum spatio, per motū Totius diurnum, absoluta. Hęc autem omnium cœlestium periodorū, est simplicissima, sibiq; semper æqualis.

**D**ies naturalis, siue periodus Solis diurna, est tempus quod fluit, dum per Totius motum diurnum, Solis centrum ad eundem reducitur meridianum: Ista quidem periodus valde inequalis



qualis existit longitudinis,

LXVI.

**A** Nnus tropicus Solaris, est tempus periodicum quo Sol, per proprium suum motum, ad eundem eclipticę locum restituitur. huius magnitudo hac nostra ætate, obseruata est, dierum esse 365, horarum, 5, & scrupulorum primorum, 55, secundorum autem fere, 20. Mutabilem etiam huius esse longitudinem, obseruationes excellentium Mathematicorum exactissime, demonstrant.

LXVII.

Annus Solaris siderius, est tempus periodicum quod labitur interea dum Sol per proprium motum suum, ad eandem stellam fixam redit: vel ad æqualem prorsus distantiam (secundum eclipticę longitudinem) ab eadem stella fixa. Cuius magnitudinem, Thebites Chora filius inuenit dierum naturalum, 365, horarum, 6, scrupulorum primorum, 9, secundorum autem, 20: Copernicus autem aliquanto maiorem hoc nostro seculo esse, demonstrauit: per, 20, circiter secunda, scilicet.

LXVIII.

Lunares periodos veras, tum ad eandem eclipticę longitudinem, tum ad Solis coniunctionem, exacta ratione per numeros examinatas, pro quocunq; dato tempore, habeas. Sunt enim inæquales valde.



**P**eriodus Lunę diurna, siue dies lunaris, est per motum Totius diurnum, lunaris cętri ad eundem meridianum restitutio perfecta: singulis penę diebus, hęc, suam mutat quantitatem. Similes etiam reliquorum planetarũ restitutiones ad eundem meridianum, considerantes, easdem appellabimus eorundem Dies: videlicet vel Saturni, vel Iouis, vel Martis, vel Veneris, vel Mercurii. Fixarum stellarum tardissimus motus, dici vnus spatio, parum exhibebit discriminis inter suam & æquatoris diurnam periodum.

Vt Luminarum secũdum eclipticam, ita reliquorum quinq; planetarum omnes, quas verę & naturaliter conficiunt periodos, tibi omni tempore perpendendas commendamus, tam in eccentricis, quam in epicyclis suis, per proprios suos motus. Simples quidem per se (quantum potes) vt distinguas, compositas item seorsim, monentes.

Vt Lunę periodicas cum sole coitiones obseruamus, ita & cuiusq; planetę reditum ad alium tardiori affectũ motu (vero quidem et proprio) quam is est, cuius restitutionem periodicam cõsideramus, maxima diligentia notandum significamus,



ficamus.

LXXII.

Vt motus ille, qui est æquatoris proprius, omnium cœlestium motuum est velocissimus, ita planetarum omnium periodi diurnæ, sunt omnium quas verè conficiunt, breuissimo transactæ tempore.

LXXIII.

**E**X cœlestiū corporum imitatione, quæ in inferioribus regulari aliqua & ordinata fieri ratione cernitur, sinceræ veritatis amâtes, studiosèq; experientes, clarissimè elicere possent, quæ res, vel tota, vel in sui aliqua parte, cui planetæ, fixæ, vel plurium stellarum colligationi subiiciatur maximè: ita vt ille planeta, stella fixa vel plurium stellarum colligatio, huius rei vel effectus, præcipuus et quasi proprius significator (astrologorum vt vtamur phrasi) possit censerì. Istam autè imitationem variis posse modis fieri, cuius costare credo philosophâti. Nō me ergo est vel in motu solo, vel figura, sed in aliis etiā proprietatibus, & qualitatibus hâc obseruari velle putādum.

LXXIII.

**I**N qua significatione aliquis planeta, stella fixa plurium stellarum commixtio, vel cœli locus præcipuè excellit, ad illum significatorem, omnes reliqui tum planetæ tum fixæ, in illa quidem signifi-



significatione cōparari debēt: vt quid vel auxiliij,  
vel impedimēti ab illis aliis recipiat, in sui munc-  
ris administratione, artificiosa eliciatur indagine.

L X X V.

Quod fixarum mutua interualla ex omni tem-  
poris æternitate nūquam sunt mutata, huius ele-  
mentaris mundi illis rebus, quæ et sui etiam sta-  
tus constantem valde retinēt conditionem, istas  
maximè præesse demonstrat. Cum tamen, & istæ,  
motu quodā (scilicet tardissimo) secundū eclip-  
ticæ longitudinem versus orientem, tam feran-  
tur vniformiter, ac si omnes vno eodemq; ag-  
rentur spiritu, hoc quidem & maximarum no-  
strarum rerum, seu illarum quas iam, è nostris,  
maximè constantes, suiq; similes maximè, iudi-  
camus, mutationes, vicissitudinesq; fieri signi-  
ficat. Istarū deniq; per diurnū Totius motū, cir-  
cunductio, ad totam illam cœlestem cōstantem-  
que harmoniam, ex omnibus stellis fixis resultā-  
tem, qua sibi mutuo sunt colligatæ (quæ etiam  
rerum omnium quasi Forma prima existit) toti  
elemētari regno & totam cuiuslibet eiusdem parti-  
culæ, per principales partim suos radios, partim  
per accidentarios, abundantissimo quidem mo-  
do impertiendā, (ita ordinante Totius beneficē-  
tissimo & Sapientissimo Opifice) est instituta. Et  
hoc ni esset, Nullum, ne vno quidē die (natura-  
liter)



liter) præseruaretur individuum.

LXXVI.

Vt fixarum motus proprius, generaliter nobis demonstrat, easdem talium effectuum esse causas, qui longo temporis cursu, incrementa atq; alterationes suscipiant suas: Sic pro nature varietate, quæ duabus quibuscumq; vel pluribus fixis, eâ ex sensibili earum radio, quam ex virtute specifica inest, ipsius naturam euentus, qui à duabus, vel pluribus stellis fixis efficitur significaturæ, diuersam esse, est necesse.

LXXVI.

**A** Gens debile, vt actionis fortioris specimen edat, quàm agens simpliciter fortius, sæpè vsuuenit: & hoc, aliquando propter diuersitatē subiectorum (in quæ agunt) in dispositione sua natia, siue artificiosa, aliquando autem propter alias causas.

LXXVII.

**N**on est ergo mirum, fixarum quasdam, quæ inter illas minime iudicantur, annis singulis certos atq; sensibiles in aëre & alijs rebus effectus producere: Tū quòd illæ (licet à nobis maximè distent) terra plus octodecim vicibus maiores existant: tamen etiā, vel quòd materie, in quā agunt, aptissimam inueniunt dispositionem. vel quòd ab aliquo planeta, earūdem corroborati radii, viuacio-



uaciores quasi, firmioresq; in terram torquen-  
tur, vel ab accommodatissimo aliquo *τον παριέ-  
χοντος* ad stellarum exprimendas vires loco, ad-  
iutę, tam exiguo temporis interuallo suarū re-  
petant virium effectiones. Quid de illis ergo fi-  
xis cogitare debemus, quarum alię totum ter-  
restrem globum sua mole trigesies, alię quin-  
quagesies quater, alię septuagesies, alię octua-  
gesies excedunt? Sed illarum (te quęso) quę terre  
soliditatem, centies septiesq; sua complectun-  
tur magnitudine, quantam credere debemus  
esse efficientiam? Ab omnibus ergo omnium  
ordinum fixis, diuinissima per cœlum distribu-  
tis harmonia, quantam quasi diuinitatē simul  
in terras deriuari censendum?

LXXIX.

**S**lex Diei naturalis tempore, deducatur vna  
æquatoris periodus, residuumq; tempus in  
æquatoris partes resoluatur, clarissimè appare-  
bit quāta æquatoris portio, versus occasum, ve-  
rè naturaliterq;, (pręter suam integram perio-  
dum) intra vnius diei naturalis spacium, per as-  
censiones (Rectas, nominatas) promoueatur.  
Atq; hęc est vera & propria demonstratio, illius  
utilissimę ac admirabilis astrologicę praxeos,  
quę cōmuniter DIRECTIO appellatur DIVINA:  
d.i.



**Q** Vando illum æquatoris progressum Directorium, quolibet die naturali, secundum ascensiones Solaris loci rectas, examinaueris, tunc vnâ etiam totius cœlestis Machinæ, alium quemcunq; libet, contuere locum: cuius quantitas sit facta promotio Directoria, super vel meridianum circulum, vel horizontalem, tali loco accommodatum, interea temporis, dum illam principalem, in Solis loco metimur, diligenter annotabis. Directorij autem motus quantitatem, nunc per ascensiones vel rectas vel obliquas, definimus.

**E** X Die Lunari, subtrahas æquatoris periodum, & quantum illo modo, in die vna lunari, cuncta cœlestia loca, pro ratione suarum vel rectarum vel obliquarum ascensionum Directoriè (vt ita dicā) protrudantur, clarum euadet.

**P** Eriodus Horizontalis Diurna, planetę, stellę fixę, est tempus quod fluit, dum illorum centra per motum Totius Diurnum, ad eundem restituuntur horizontalem circulum.

**E** X Horizontali Solis vel Lunę periodo, vnâ æquatoris periodum subtrahere: & residuum, illam æquatoris portionem monstrabit, quę (pręter vnā



vnam sui integram reuolutionem) versus occa-  
sū, talis periodi spatio, Directoriè promouetur.

LXXXIIII.

**L**icet Solis & Lune, generalissime fuerint &  
clarissime vires, in hoc directionum artifi-  
cio: Reliquorum tamen quinq; planetarum  
(maximè in eorum propriis significationibus)  
multiplices efficientiæ, simili debent obseruari  
disciplina: tam in eorum diurnis ad meridia-  
nos reuersionibus, quam ad horizontales quos-  
cunq; circulos. Nullibi autem nos, aliis quam  
veris vti stellarum motibus, memineris. Valeāt  
ergo qui vel singulis diurnis planetarum dire-  
ctionibus, vel annuis (de quibus alibi agemus)  
certam, eandemq; præscribunt vel graduum vel  
minutorum, quantitatem.

LXXXV.

**P**eriodi diurnæ quinq; planetarum, quando  
retrogrado feruntur motu, æquatoris perio-  
do sunt minores. Vnde per istos, tum æquato-  
rem, tum alia singula mobilia cœli loca versus  
orientem postponi est necesse. Hancq; æqua-  
toris periodi anticipationem, Veteres, Directio-  
nem conuersam appellabant. Hanc autem tam  
ad meridianos quam etiam horizontes referri,  
non est necesse pluribus docere: aut æquatoris  
periodum ex retropedantium periodis diurnis  
quibuscunq;, auferri debere: cum satis per se sint

D.2.

clara.



clara.

LXXXVI.

**E**X IOVIS periodis diurnis, ad æquatoris periodos comparatis, vera patet & physica demonstratio directionis cuiusdam, ab Antiquis, PROFECTIONIS ANNVAE, nūcupatę: In qua cœlestia loca, solum quinque, per vnum circiter dodecatemorium, versus occasum promoueri tradunt. Verum si vel Profectionis istius partes, ad Iouis verum diurnum motum: vel ipsam annuam Profectionem integram, ad Iouis verum motū in vno āno solari, referre velis (vt natura te facere vrgebit) clarissimē tunc cernes, nec directo semper modo ista dirigi: nec eandem esse (singulis annis) graduum multitudinem, quæ vel super meridianos, vel horizontes varios, pro ratione Iouialis motus veri, integræ Profectioni annuæ respondet: Denique non solum quinque loca ita cōsiderari posse aut debere, sed infinita ferē, tam planetarum scilicet, quam fixarum. &c.

LXXXVII.

**Q**UOMODO DIRECTVS Planetę motus, non solum ad eiusdem maiorem supra nostrū Horizontem exhibendam Moram, confert, esse perpendendum: sed qua etiam ratione, intra suam Diurnam periodum, Harmonicam illam æquatoris periodum complecti, eundem facit:



facit: & ad præcipuum suum deniq; munus con-  
ficiendum (secundum eclipticę scilicet Longi-  
tudinem) multo reddit habiliorē, significamus.  
PLANETAS ergo, cursu DIRECTO progrediētes, gene-  
raliter iudicare fortiores, fortunioq; quodā affe-  
ctos, non est à ratione alienum. Vnde motu La-  
tos VELOCI, certissimum est, plus tum habere  
fortitudinis, suāsque tum foelicius peragere signi-  
ficationes. Quando cum planetarum veloci  
cursu, etiam concurrit eorundē ad terrā propi-  
quitas maior, ex Theoricis cōstare tibi potest.

LXXXVIII.

**P**laneta RETROGRADVS, Naturę constans  
decretum quodam modo perfringere vi-  
detur: periodum suam diurnam breviori absol-  
uendo tempore quam ipse equator: cuius  
motus, eò quod citatissimus est, sibiq; semper  
equalis, Temporis fit nobis norma. Secundò  
cum ex generali Naturę instituto, Cœlestia cū-  
cta, in motus diurni ratione, primū sequi mo-  
bile deberent, Retrogradus autem iste planeta,  
(quasi sibi commissis habenis) suo nisu, primo  
Mobili aliq̃ huius sui muneris particulā præri-  
pere videtur. Tertiò ex Diurna sua quaq; peri-  
odo, aliquam illius vniuersalis Harmonię par-  
ticulam excludit: & post aliquot elapsos dies,  
notabilem Totius portionem, versus ortum re-  
pulisse



pulisse videbitur: quādamq; magnam equatori  
Iniuriam intulisse: cum occasum ille verius per-  
petuò rotari debeat. Quintò, pertinax iste pla-  
neta, munus suum proprium, præcipuumq; de-  
ferere videtur. propria enim cuiusq; planete pe-  
riodus, versus ortum absolui debet. Sextò, op-  
portunitatē illā qua ad suas fortius exercendas  
vires, vti poterat, (ob moram supra nostrum  
horizontem maiorem) recusare iudicabitur.  
Nec Solem igitur, neque lunam (omnium cor-  
porearum creaturarum præstantissimas, mun-  
doq; elementari beneficentissimas, imò rerum  
hîc omnium quasi parentes) istis implicari re-  
tropedationibus, voluit Deus. Neq; reliquos  
quidem: nisi ad breue quoddam tempus, si ad  
integras eorum periodos, illud conferas) tali vti  
tergiuersione, patitur. Verum nullo cum  
NATURÆ VNIVERSALIS incommodo, hoc  
ab istis patratur. Non magis quam acerrimæ illæ  
infinitarum penè rerū Antipathiæ, NATURÆ  
VNIVERSALIS statum vllò modo labefactant,  
quin ad gratissimum potius ornatum egregiè  
faciunt, & ad NATURÆ perpetuandam inco-  
lunitatem, cōducunt vel maximè. EX RETRO-  
GRADATIONE tamen, particularis aliquis effe-  
ctus (quem scilicet talis planeta in se receperat  
perficiendum) interim non promouetur, sed  
qua-



quasi retroāgitur: factaq; infecta fieri videntur. At quis est, qui hęc non esse tum in politicis, tū œconimicis negotiis necessaria, summeq; interdum vtilia cernat? Satiusq; esse recurrere (vt dicitur) quam male currere? Iuat ergo interdū planeta retrogradus, licet non directo ordine, sed quasi fortuito, & ex abrupto: & in contraria ferè significatione.

LXXXVIII.

PLANETÆ in maximis suis à terra distantis, circa sua scilicet Apogęa versātes, in rebus quarum tunc fuerint proprii significatores, fortius suas exercent vires, quā in eisdem faciunt, quādo terre, circa sua nimirum perigęa, proximi feruntur. Contrā autem, in aliis sibi subiectis rebus viuacius efficaciusq; operantur in sua maxima ad terram propinquitate, quā in eisdem operari possunt, quando à terra, quā queant, longissimè distant. Huius Aphorismi demonstratio ex 45. 73. 77. & aliis prius explicatis aphorismis, maximum suum & lumen & robur habet. Vt ergo in eadem, rerum per eundem planetam significatarum, specie, distinctè exacteq; iudicium proferas, loca maximarum & minimarum à terra distantiarum, pro vnoquoq; planeta, sint tibi prius nota.



**Q**uoniā Solis non est semper æqualis potē-  
tia, nec eadē significādi ratio: singulorūq;  
etiam planetarum sint distinctę significationes  
ac alię alięq; eorundem fiant vires, non debet  
idem de vniuscuiusq; planetę COMBUSTIONE,  
pronuntiari Iudicium. Licet autem Solis excel-  
lentissima fuerit & potentissima virtus, non ta-  
men semper lædet dum alium planetā COMB-  
RERE Astrologi dicunt: fieri quidem potest vt  
ille, combusti planetę naturam ad amplitudi-  
nem quandam & magnificentia euehat, eius-  
dem omne ius, in suas vires transferens. Sed dū  
lædit, varia est ratio. Ex graduationum regulis  
de quibus supra aphorismo, 19, egimus, quid sit  
omni tempore de tali combustione statuendū  
(quantum ad sensibilibus radiorum operatio-  
nem) simplicibus semel definitis planetarum  
naturis, clarissimè depromi potest.

**N**ullus est terrestris globi locus, quem Sol,  
Saturnus, Iupiter, Mars, aut stella fixa quę-  
cunq;, nō illustrat suo directo sensibiliq; radio,  
spatio vnius suarum diurnarum periodorum,  
dum sub æquatore, secundum sua vera ferantur  
loca. Maximum igitur huius loci priuilegium:  
ex quo, tantillo tempore, totus terre orbis, sen-  
sibilibus directisq; horum radiis illuminari, fo-  
foueriq; possit.



**D**Væ quæcūq; stellæ, in locis ANTISCIIS secū-  
dum æquales, & in eandem mundi partē  
declinationes positæ, æquales supra eundē ho-  
rizontem verum, acquirunt moras. Et in æqua-  
libus ab eodem Meridiano distātiis, omnes suę  
radiose incidētię angulos, æquales facient. Un-  
de per motum Totius diurnum, suis radiis, istę  
stellę, terrestrę quodcunq; corpus, per mutuas  
vices ita inuoluunt implicantq;, ac si eiusdem  
illis esset similis commissa cura. Ex natura ergo  
ita cooperantiū stellarum, & interualli earūde  
schematici, siue aschematici ratione, qualis ab  
eisdem, in (notæ constitutionis) proposito cor-  
pore, sit generaliter expectandus effectus inue-  
niri potest.

**L**icet cœlestis cuiusq; circuli, equatori paral-  
leli, pars illa, quæ Sub Meridiano alicuius  
loci extiterit, (ex omnibus illius paralleli parti-  
bus) cum eius loci horizōte vero, incidentiæ an-  
gulum faciat maximum: Tamen eclipticæ illa  
pars solum quę ab horizonte Nonagesima fue-  
rit, altissimè semper supra horizontem eleuabi-  
tur. Hanc autem nonagesimā partē rarissimè in  
Sphæra obliqua, at in Sphæra recta, sēper sub Me-  
ridiano inueniri, cuius, vel mediocriter in A-  
c.i. stronomi-



astronomicis versato, notissimum esse scio. Hinc  
in locis, quorum Vertices inter equatorem &  
mundi polos fuerint, illa eclipticę pars, quę sub  
meridiano, quocūq; proposito tēpore reperia-  
tur, Cor cœli, appellari cępta est, Nonagesima  
autem pars ab ascendente loco, Domus decima  
XCIII.

**S** Tellę omnes, vt sunt Luminis participes, ita  
(pręter suorum insensibilium radiorū & spe-  
cificas suas vires) caloris cuiusdam sunt efficien-  
tes causę. XCV.

Vt SOL singula cœlestia corpora, sua superat  
magnitudine, Sic cœlestis Luminis quasi fons  
perennis ac immensus est: calorisq; nobis, sensi-  
bilis, ac vitalis, pręcipuus effector.  
XCVI.

**I**llum Calorē, quem Solis radiosi Coni tota  
Basis (ipso tunc Sole, in sui circuli Perigæo, &  
in minima Eccentricitate versante) in illud ter-  
renę Superficie naturalē punctum, quod tum  
sui radiosi coni vertex fuerit, tum etiam cui Sol  
perpendiculariter imminet, efficiendo exercet  
(doctrinę huius nostrę illustrandę gratia) esse  
potentię cuiusdam, instar Sexaginta, siue centū  
graduum, ponere solemus  
XCVII.

**N**on potest ergo nobis ignotū esse, quāto ca-  
lore suo proprio, aliud quodcunq; terreni glo-  
bi



bi punctum, cui SOL in quouis alio sui circuli loco, perpendiculariter imminere potest, afficiet: respectu illius sui maximi caloris.

XCVIII.

**E**T qui Solis sibi impendētis calorē, in aliqua cōuenienti materia aptè experiri nouerit, Is non secūdum proportionem solū, sed etiā secūdū rei veritatem, intelliget quantū calorē omni alteri pūcto terrestri cui imminere potest, imper-  
tiet.

XCIX.

**D**Ata proportionē inter duos caloris gradus quos Sol in duobus diuersis sui Circuli locis, in terrena loca, illi perpendiculariter subiecta, exercet: Si, quocunq; dato tempore, (lucēte nobis Sole) per aliquod artificium nostrum, à nobis sensibilibiter excitari potest Calor, qui vni dictorum fuerit equalis, possibile est etiam, per artificiū & industriā nostrā, vel eodē mōmēto, vel alio quocunq; (Lucēte Sole,) talē caloris gradū sensibilibiter excitari, qui illi alteri sit equalis. Adquātā autē distātiā, hic nō est explicādi locus.

C.

**P**er hos eosdem Canones, accuratius examina, quantum reliqui planetę a Solis virtute calefactua deficient, ratione basium suarum Conicarum, respectu alicuius puncti terrestris cui perpendiculariter imminere possint, in minimis eorundem à centro terrę, distantiis. Isto.



rum bases & distantias, ad Solis basim & distan-  
tiã comparabis: & calores ab istis procreatos in-  
telliges. HOC tamen memoria tu semper tene  
as firma: vnumquemq; Planetam, ex sui proprii  
corporis ratione, sensibilem aliam qualitatem,  
generali caloris comiscere virtuti. Et qualis illa  
fuerit, non in omnibus solum planetis, sed stel-  
lis etiam fixis, (Si 53, aphorismum experiaris)  
per lunam expiscari potes: et aliis etiam viis.  
SOLI DEO GLORIA.

C I.

**V**arietas Lunaris caloris, in quodcunq; cui  
perpendiculariter imminere potest pun-  
ctum, per Solis etiam canones cognosci potest.  
Scilicet, si non solum eius, à terra distantiam,  
sed suę etiam illuminate partis conuexę, quę ad  
terram conuertitur, quantitatem, (instar ipsa-  
rum conicarum basium in aliis planetis) quo-  
cunq; proposito tempore examinemus. Non  
tam aptè tamen lunares sese (ad operadũ) coad-  
iuvare radios, in corniculari eius figura, quam  
cum ad orbicularem magis accedat, Cauti &  
diligentis Astrologi iudicio, relinquo confide-  
derandum: vt & alia in istis aphorismis multa.

C II.

**V**T LVX & MOTVS sunt cœlestiũ corporũ  
maximè propria, ita inter planetas, SOL,  
Luce



**LVCE** propria omnes alios superat: et **LVNA** proprii **MOTVS** pernitate reliquos omnes vincit. Hi ergo duo, omnium planetarum, excellentissimi, meritò censentur.

CIII.

**L** **VNA** potētissima est humidarū rerū moderatrix: humiditatisq; excitatrix & effectrix.

CIIII.

**VT** Solis excellentem **LVCEM**, præcipuum vitalis caloris moderamen comitatur: ita cum **LVNE MOTV**, mira quadam analogia, coniuncta est eius vis humiditatis effectiua & moderatrix.

CV.

**L** **VNA** quò terre propinquior, & proprio motu, quò fertur velociori, eò suum in res humidas, potentius exercet dominium.

CVI.

**S** **OLEM** & Lunam omnium in elementalī mundo nascentium & viuentium, tum procreationis tum conseruationis, præcipuas (post Deum) & verè physicas esse causas: ex his fit manifestissimum. Per Calidum enim et Humidum, *παντα συγκρίνεται καὶ ἀνίσταται*, (vt philosophi nostri verbis utar). Ista enim duo solū, *γονιμὰ* sunt.

CVII.

**A** Nni constitutionem generalem; ex quolibet

c.iii.

bct



bet ferè die, per quandam analogiam, esse demonstratã videmus. Habet enim quilibet Dies naturalis, suum, tum ver, tum Aestatem, tum Autumnum, tum Hyemem. Ex solo ergo Solis calore, per se partim, partim per accidens, omnes primæ produci possũt qualitates, & necessario ordine. In quibus si principia, media finesq; statuamus, Duodenarii cuiusdam rationem cernemus. Et pulchrum est considerare, quo modo tandem sub ipsis Mundi polis, ipse Annus est nisi instar Diei vni<sup>9</sup> naturalis. Aphorismum istum ad altiora traducas, et maximum secretum habes, tu, qui Trinitatis in vnitate mysteria tractas physica: & ad Noctis multicoloris Nigredine, opus inuoluendum tuum, anhelas.

CVIII.

**V**iginti sex diuersas habitudines, quæ inter fixa sidera & Solẽ esse possunt, pro diuerso istorum & Solis in quatuor Angulis positu, ad alios etiam planetas transfer: maximè ad lunam: Sicq; confurgent, ex omnibus planetis, cum stellis fixis, hoc modo comparatis, 182 diuersæ rationes, considerandę. Ex magnę constructionis Ptolomęi, libro octauo, has discas ad Solem habitudines.

CIX.

Corporis

**C**orporis imperfectio, proxima & maxime propria Mortis causa est, non Anima. Mortis ergo naturalis, causa quoque naturalis: Ex Naturę igitur generalibus gubernatoribus, generaliter pendet & præsignificatur.

CX.

**A**nima humana, & forma vniuscuiusq; rei specifica, multò & plures & præstantiores virtutes, operationesq; habet, quam vel ipsum corpus, vel eiusdem rei materia.

CXI.

Insensibiles planetarum radii, ad eorum sensibiles, sunt instar animę cuiusdã ad suũ corpus.

CXII.

**S**iderum quędam, eatenus MALEFICA aliquãdo vocãtur, quatenus eorũ impressas vires, humana VOLUNTAS, in corrupta natura, ad malum exitum abire vel patitur, vel impellit: Ipsa enim sidera per se nihil operantur mali.

CXIII.

**O**mnia rerum in mundo elementari existentium, quęcunque fuerit diuersitas naturalis, ea ex duabus præcipuè præcedit causis: scilicet ex materialium diuersitate, & varia stellarum radiorum operatione.

CXIII.

**O**mnis res quantumcunque exigua, in mundo elementorum existens, totius cœlestis

Har-



Harmonię est effectus: siue exemplum quoddā  
& imago. At in quibusdam rebus, hoc clarius  
quam in aliis apparet.

CXVI.

**Q**uoniam Septem planetæ, 120 diuersas cō  
iunctiones nobis exhibere possunt (scili-  
cet dum bini coniunguntur, 21: dum terni, 35:  
dum quaterni 35. dū quini 21, & dū seni, 7: & dū  
omnes simul copulātur, 1) verissimeq; summus  
dictet philosophus, quod ἐν αὐταῖς κεῖται ἡ γνῶσις  
τῶν γινομένων ἐν τῷ κόσμῳ τῶν γενησέως καὶ τῶν φθορᾶς, Cir-  
ca illas 120 coniunctiones, generalissimam hāc  
nos proponimus Methodum. Quando solum  
duo ex septē, copulātur, 21 varię esse possunt cō-  
iunctiones: & in illarum singulis, quis duorum  
planetarum fuerit fortior, considerari debet. Ex  
duorum ergo coniūctione, 42 diuersę oriuntur  
considerationes: Eademq; ratione, ex trium  
corporali coniūctione, 210: ex quatuor, 840:  
ex quinq; 2520: ex sex, 5040: & ex septem, 5040  
varię considerationes prouenire possunt. Qui  
omnes considerationum modi, sunt 13692: qui  
tantum ex corporalibus planetarum coniūcti-  
onibus pendent: eorum etiam viribus, genera-  
lissimè tantū, & non ad certos gradus (vnde in-  
numere ferè myriades, considerationum varia-  
rum, procrearētur) suppositis esse inæqualibus.

**E**X ANALOGIA corporum cœlestium tam in seïpsis, variè consideratorum, quam inter se mutuò comparatorū: et illorum omologa semper, in isto elementorum regno, (ex arte à nobis supra tradita) accuratè secernendo, amplissimam tu tibi viam ad perfectam Astrologiæ sapientiam, sternes.



[illegible]

Penitius Naturæ virtutes introspicientes, eorumq; etiam, quæ superius, clarissimè variisq; modis, confirmauimus, satis memores: circa vnamquamq; mundi rem, omnium septem planetarum radios, secretioris influentiæ, aut sensibiles principales vel accidentarios, omni tempore concurrere, cõmisceriq;, certissimum esse asserimus: perpetuamq; horum omnium, in rebus mundi omnibus (effectuum certe naturalium ratione, licet non secundum ipsorum vera in Cœlo loca) manere coniunctionem. vnde si inæquales semper eorum essent vires, Natura 5040 modis variis generalissimis, eorum dispensaret operationes, quantum ad virium differentias. Verum, si interdum duos, æqualibus fortitudinis numeris affici, interdum tres, interdum quatuor, interdum quinq;, interdum sex, & interdum omnes (licet rarissimè) consideremus: æqualitatemq; istam vel in supremo vel infimo vel intermediis posse inueniri gradibus: varios inde modos, per methodũ prius explicatam, eliciemus 20295: quibus si iungamus inæqualitatis absolutę modos 5040, consurgent modi 25335, generalissimi quidem: in quibus per graduationũ regulas, philosopho est dignissimum exerceri: utilitatem enim reportabit, &

f.i. volup-



voluptatē immensam. Et quò istorum duorum  
Aphorismorum veritatem, rationemq; logisti-  
cam intelligeres, en tibi praxeos nostrę quā-  
dam formulam, in multis aliis etiam rebus vti-  
lissimā. Facileq; poterit industrius artifex, hāc  
Methodū ad infinitatem quandam extendere:  
& nō pati in septenario solū consistere numero

Pro Aphorismo

Pro Aphorismo

CXVI.

CXVII.

1	1	0	0	0	7	5040
2	2	21	42	2	6	15120
3	6	35	210	3	5	4200
4	24	35	840	4	4	840
5	120	21	2520	5	3	120
6	720	7	5040	6	2	14
7	5040	1	5040	7	0	1
						13692
						25335

Aequalitates secundum coniunctiones  
variae: & inaequalitatis (ex aequalitate  
profectae) transpositione, consideratio-  
num rationes variae.

Inaequalitas ex aequalitate producta.

Planetae aequalis fortitudinis coniuncti.

Coniunctionum variarū per coniunctōrū  
numera transpositum, Multiplicationes.

Varietates coniunctionū binorū ternorū. &c  
Transpositiones secundum inaequalitatis  
generalia discrimina.

Planetae inaequalis fortitudinis coniuncti corp.

Quoniam ratio constructionis secundæ partis istius tabellæ difficilior videri possit, vt studiosi in hac re aliquantulum iuuentur, exemplo adhibito, eandem explicabo,. Si bini planetæ tantum, ex septem, æqualis statuantur esse fortitudinis: inde inter omnium fortitudines, sex generalissimæ habebuntur differentiæ (vt ex quinta & sexta columna patet) At per tertiam columnā, binaria coniunctio inter septem planetas, 21 varijs modis, alia aliaq; esse potest: Et per secundam columnam, planetarum sex inæquales fortitudines, 720 modis diuersis cōsiderari possūt. Multiplico igitur 720 per 21, & prodeunt 15120. quem numerum in vltimæ columnæ secundo descendente loco inuenies: Eadem est operandi ratio, cum tres, quatuor quinq;, vel sex, æquali supponantur esse præditi fortitudine: Deniq; ad ampliorem huius rei explicationem, en tibi breuissimam operis formulam.

Planetæ æquali præditi fortitudine

2

21

Coniunctiones variz ex binis planetis.

Multip.

Fortitudinum inæqualitates.

6

720

Transpositiones inæqualitatis in senario numero.

Productum. 15120

CXVIII.

**C**Vm in anni alicuius Solaris Reuolutione, alterius planetæ periodi principio, vel quo-



cūq; alio tēpore, fortis aliqua notabilisq; in cœlo fuerit vel planetarum inter se, vel planetarū cum fixis, configuratio: per totum terrę orbem astronomicè circumspice, quis locus fortissimā propriamq; cœli figuram in quocunq; velis significato, talis configurationis momento obtineat vel obtinere possit. Hinc enim non solum à naturis, euentus proprios maximè, sed ab euentibus egregiis Locorum terrę particulariū, proprias planetarum, fixarumue eliciendi naturas, modus datur insignis, secretusq;. Hinc etiam Sapiens(modò Cosmopolites esse possit) nobilissimā Scientiam haurire potest: siue de prosperis procurandis, siue remouendis noxijs: vel econtra: tam sibi quam alijs. Locorum terrestriū opportunitas, tanti est momenti.

CXIX.

**X** αριστὸς τῶς κοσμικῆς συμπαθείας, τοῖς ἀνθρώποις ἐνδὲρ ἐπιγί-  
νεται: vt nos Mercuri⁹ ille ter maxim⁹ docuit.

CXX.

**I** Κανὰ τὰ βεῖα, καὶ ἡ τέχνη περιφρα, τῇ ἐν τῷ κόσμῳ τῶν φυ-  
σικῶν ὑπομένει, ἐν χειρὶ φυλάσσει.

SOLI DEO HONOR ET GLORIA.

L O N D I N I.

Excudebat Henricus Suttonus

Anno à virginco partu

1558.

Mense

Iulio.



2  
Clarissimo viro D. Gerardo

MERCATORI, RVPELMVNDANO,

Philosopho & Mathematico

illustri, ac amico suo lon-

gè charissimo,

IOANNES DEE, LONDINENSIS,

S. D. P.



Ndecimus iam agitur annus (humanis-  
sime, doctissimeq; mi Gerarde) ab illo,  
quo nostris ego relictis Academijs, om-  
nibusq; nostrarum scholarum, in artium  
septem (liberalium dictarū) professione, percursis or-  
dinibus: sine subere (vt in prouerbio est) nare; & in  
Regiones transmarinas coeperam peregrinari, ad ip-  
sos inuestigandos fontes, à quibus hac nostra ætate, plu-  
rimi ad nos optimarum quarumq; Artium deducebantur  
canaliculi: & cum illis vitam ducere familiarem,  
quorum uel leuissimus quisque vnius diei in scribendo,  
labor, nobis antea domi desidentibus, per anni ferè us-  
nius spatium, satis (ad intelligendum) faceret negotij.  
Atque in isto primæ meæ peregrinationis inchoato  
cursu, quoniam in te, primum omnium, Louanij tum as-  
gentem, incidere, maximo mihi summi Numinis oba-  
tigit fauore: & ex tuis mecum disceptationibus, tum  
primas tum altissimas ut radices ageret tota mea pe-  
regrina  
A.ij.



peregrina philosophandi ratio: Nunc proinde ego esse  
 æquum censeo, rationiq; maximè consentaneum, ut iam  
 primò peregrinantes, laborum etiam tu meorum pris  
 mitias, iure tibi uendices meritissimo. Et maximè, cum  
 mutua nostræ amicitia, familiaritatisq; consuetudo ea  
 erat, toto ut triennio, uix totos tres simul dies, alter  
 alterius lubens careret aspectu: & ea utriusque nos  
 strum discendi, philosophandiq; auiditas, ut postquam  
 conueniremus, tribus uix horæ minutis, ab arduarum  
 & utilissimarum rerum indagatione abstinere mus. An  
 non huius nostræ tam sinceræ amicitia, & tam suaui  
 ter continuatæ philosophandi rationis, gratia, aliquod  
 saltem συνταγμα, uel monumentum, sempiternæ ho  
 minum memoriæ commendare debuimus: ut inde sua  
 uissimum illud amicitia uinculum, quo nostri in perpe  
 tuum copulantur animi, suis quoquenectere disputa  
 tionibus, postera studioforum excitetur ætas? Et non  
 alter alterius uel contemnere studia, uel eruditioni in  
 uidere: capita sed simul conferre, ad ueri inquisitionem  
 & utilissimas amplificandum disciplinas. Atque ut  
 banc potissimum materiam, hoc tempore mihi tra  
 ctandam, eligerem: penultima tua ad me litera, in quibus  
 de nobili illa, inter nos olim agitata, controuersia,  
 memoriam mihi uelle refricare, uidebaris, occasionem  
 dedere. Nec in istius enodatione, seu potius demon  
 stratione, longiorem me nunc esse, uel ualetudo, quæ  
 iam:



quæ iam per integrum annum periculosissimè labefacta fuit (etiam si uoluisssem maxime) tolerauit: uel ipsa, de Coelestium corporum uirtute, Disciplina, desiderare uidetur. Ex his enim quæ in medium attulimus, tum ad infinitos particulares, in Arte casus, Apodicticè procedendi haberi facultas potest: tum ipsa præterea disciplinæ præcipua, in his sunt iacta, confirmataq; fundamenta: unde de alijs eius Artis quid sit statuendum præceptis, industrio facile constabit artificii. Non tamen infinitas multorum  $\Theta$  ἀνατιοδογματοο probo nugæ, uel futilia decreta: quæ nec ipsi talium scriptores, rationum stabilire momentis possint, nec ullus unquam alius, à Naturæ uiribus talia proficisci, obseruando intelligere. Tu ergo qui NATURÆ obseruatissimus esse Cultor soles: NATURÆ, in istis Aphorismis, scrutare uirtutes ueras, uirtutes magnas, uirtutes paucis uix credibiles Sapientibus, at paucissimis notas. Et ne τὸν ἀμυντῶντιο, suo sibi malo, ea hinc expiscari, elicereue contendat, quæ illi non sunt scripta, tu cum RECEPERIS, edicas publicè. Atq; hæc hæc hactenus. Cum autem in literis tuis ad me, ferè omnibus, quid ipse præ manibus habeam, à me scire, soles contendere:  $\Theta$  in illis certe, quas ante nominavi, penultimis mecum egisti maxime, ut magnum illud opus meum Apodicticum, de Arte noua (ut tu uocas) quam primum uel in lucem darem, uel eius te



## EPISTOLA

ut participem facerem: me Scias, præter periculosissimum, quo toto iam proximè elapso anno laboravi, morbum, alia etiam multa (ab illis, qui. &c.) esse perpeſſum incommoda, quæ mea studia plurimum retardauere: uirẽsque etiam meas, nondum posse tantum sustinere studij laborisq; onus, quantum illud, Herculeum penè (ut perficiatur) requireret opus. Vnde si mea haud quæ, at opera uel absolui, uel emitti, dũ ipse sim superstes, Viro illud legavi eruditissimo, grauissimõq; qui Artium Mathematicarum unicum nobis est relictum & decus & cõlumen: nimirum D. D. Petro Nonio Salaciensi: Illũque obnixè nuper orauĩ, ut, si quando posthumum, ad illum deferetur hoc meum opus, benignè humanitèrque sibi adoptet, modisque omnibus, tanquam suo, utatur: absolvere denique, limare, ac ad publicam Philosophantium utilitatem perpolire, ita dignetur, ac si suum esset maxime. Et non dubito, quin ipse (si per uitam ualeitudinẽque illi erit integrũ) uos ti me faciet compotem: cũ & me tam amet fideliter, & in artes, Christianæ Reip. summe necessarias, gnauiter incumbere, sit illi à natura insitum: uoluntate, industria, usũque confirmatum. Tuis igitur uotis, de laborum meorum euulgandis monumentis, nondum me posse satisfacere, licet iam clares satis docui, Si tuæ tamen petitioni de scriptorum meorum habendo Catalogo, non responderem, merito me maxime damnares ingratitudinis. En tibi ergo eorum Titulos, quæ per



# N V N C V P A T O R I A.

*per medias meas, maximasque difficultates, ita & me  
mibi composita, scriptaque extant, ut eadem (cum uis  
ribus ualeam corporis, dulcique fruar ocio) in publis  
cum producere (non mihi tantum esse cognita) exopta-  
tem maxime.*

*περί Αριθμολογίας τῆς Μαθηματικῆς. opus mathemati-  
cè demonstratum. lib. 16.*

2 *De Planetarum, Inerrantium stellarum, Nubiumq;  
à centro terræ distantis: & stellarum omnium veris  
inueniendis magnitudinibus. lib. 2. demonstr.*

3 *De Speculis comburentibus. lib. 5. demonstr.*

4 *De perspectiua illa qua peritissimi illustrissimiq; v-  
tuntur pictores. lib. 2. demonstr.*

5 *De tertia & præcipua Perspectiue parte, quæ de ra-  
diorum fractione tractat. lib. 3. demonstr.*

6 *De Cœlestis Globi amplissimis commoditatibus.  
lib. 2.*

7 *Speculum vnitatis: siue Apologia pro Fratre Ro-  
gerio Bachone Anglo, in qua docetur, nihil illum  
per Dæmoniorum auxilia fecisse, sed Philosophum  
fuisse maximum: naturaliterq; & modis homini  
Christiano licitis, maximas fecisse res: quas, indoctū  
solet vulg<sup>9</sup> in Dæmoniorum referre facinora. lib. 1.*

8 *De noua Nauigationum ratione. lib. 2.*

9 *De Anuli Astronomici multiplici vsu, capita centū.  
liber vnus.*

10 *De Itinere subterraneo. liber vnus.*

11 *De Trigono Circinoq; Analogico. lib. 3.*

*Aliorum adhuc tacebo nomina: qui tamen ante istoa-  
rum quosdam (annuente Deo) publica frui luce posse  
sint. Hoc autem opusculum, (numero duodecimum)  
leui munitum armatura, tanquam Exploratorem, in  
uarias emitto regiones: ut uera mihi doctorum probos*

*A. iij.*

*rumq;*



# EPISTOLA

rumq; hominum referat iudicia, uotaq; hac à me tanta tractari, licique promitti argumenta. Vt existius Exploratoris relatione, mecum & doctis cum amicis, rationem ineam, num istas meas (qualescunque) copias, in peregrinos actutum producere campos, uel domi, adhuc diligentius, in militari educare disciplina, debeam. Iam restat ut te maxime orem, egregia tua Inuenta, tam in excellentissima illa Philosophiæ parte, quæ Physica uocatur, quàm in geometricis, & geographicis rebus, publicis (quàm primum queas) ut committas hominū studijs: sic enim Rempub. literariam (de qua annos ante multos, multis magnisq; tuis laboribus, & optime meritis) istis utilissimis tuis, nouisque Inuentis, eximie profecto amplificabis. Valeas: Coeptisque tuis pulcherrimis, Deus Opt. Max. exitus largiatur foelicissimos. Iterum Vale.

Londini, anno à nostro nato Redemptore 1658, Iulij. 20.